

UGOVOR O NABAVCI ROBE LABORATORIJSKA SAOBRAĆAJNA OPREMA ZA LOT 4
- Programski paket za obrazovanje -

Zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Kupac)

ID: 4200494560007

i

2. Telnet d.o.o. Sarajevo, ul. Stupska bb, 71000 Sarajevo koga zastupa direktor Aida Višća(u daljem tekstu: Prodavac):

ID broj: 4202070350005

Broj transakcijskog računa: 1011040072712835 otvoren kod Privredne banke Sarajevo

Ovaj Ugovor se zaključuje na osnovu Odluke broj: 0101-6960-7-4 od 23.09.2019. godine o izboru najpovoljnijeg ponuđača i dodjeli ugovora, koja je donesena nakon provedenog OTVORENOG POSTUPKA, za koji je dana 28.08.2019. godine na Portalu javnih nabavki BiH, objavljeno Obavještenje o nabavci broj: 999-1-1-83-3-71/19.

I. PREDMET UGOVORA

Član 1.

Predmet ovog Ugovora je nabavka robe: **Laboratorijska saobraćajna oprema i softver - LOT 4. Programski paket za obrazovanje**(u daljem tekstu: Roba) za potrebe i po zahtjevu Kupca, u svemu prema Tenderskoj dokumentaciji broj: 0101-6960-3/19 od od 28.08.2019. godine (u daljem tekstu: Tenderska dokumentacija) i ponudi Prodavca broj: 0148 od 05.09.2019.godine (u daljnjem tekstu: Ponuda Prodavca), koje čine sastavni dio ovog Ugovora.

II. CIJENA

Član 2.

(1) Ukupna cijena predmeta ugovora:

LOT 3	
1.	<p>14.850,00 KM bez PDV-a (slovima: četrnaest hiljada osam stotina pedeset KM i 00/100)</p> <p><i>Oslobodeno plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekata koji se finansira iz IPA II Fonda u skladu sa Okvirnim sporazumom ("Službeni glasnik BiH" – Međunarodni ugovori, broj 6/15)</i></p>

(2) Cijene Robe obuhvataju sve troškove (carine, takse i ostale dažbine) do isporuke Robe na adresi krajnjeg korisnika Kupca (paritet: DDP krajnji korisnik na naznačenoj destinaciji), raspakovano, instalirano, povezano i pušteno u rad.

(3) Ugovorena cijena iz stava (1) ovog člana je fiksna i neće se mijenjati tokom perioda realizacije ovog Ugovora.

III. ROK I NAČIN PLAĆANJA

Član 3.

- (1) Ugovorne strane su saglasne da će Kupac izvršiti plaćanje preuzete Robe u roku od 30 (trideset) dana od dana prijema potpisane i ovjerene fakture od strane Prodavca.
- (2) Prodavac je dužan da uz fakturu dostavi otpremnicu, potpisan „Zapisnik o kvantitativnom i kvalitativnom prijemu Robe“
- (3) Prodavac dostavlja fakturu sa prapatnom dokumentacijom na Pisarnicu Univerziteta u Sarajevu, Obala Kulina bana 7/II, 71 000 Sarajevo.
- (4) Plaćanje se vrši po dospjeću na transakcijski račun Prodavca, odnosno podugovarača (ako Prodavac ima namjeru da dio ugovora podugovaranjem prenese na podugovarača i ako je predviđeno direktno plaćanje podugovaraču).

IV. MJESTO ISPORUKE ROBE

Član 4.

Mjesto isporuke Robe je:

- Fakultet za saobraćaj i komunikacije Univerziteta u Sarajevu, Zmaja od Bosne br. 8 (Objekat 33), Kampus Univerziteta u Sarajevu.

V. ROK ISPORUKE ROBE

Član 5.

- (1) Prodavac se obavezuje da će isporuku Robe izvršiti jednokratno i to u roku od 30 kalendarskih dana od dana potpisivanja ovog Ugovora.
- (2) Dinamika instalacije i konfiguracije Robe biće naknadno utvrđena od strane Kupca, u skladu sa planom realizacije ovog Ugovora.
- (3) Ukoliko se pojave nepredviđene okolnosti i slučajevi koji onemogućavaju isporuku Robe u roku iz stava (1) ovog člana, Prodavac je dužan da pismenim putem obavijesti Kupca odmah, a najkasnije 48 (četrdesetosam) sati nakon pojave nepredviđenih okolnosti, kako bi Kupac cijeneći nastale okolnosti, mogao da razmotri eventualnu mogućnost produženja ugovorenog roka.

VI. NAČIN ISPORUKE/PRIJEMA ROBE

Član 6.

- (1) Prodavac je dužan da isporuči Robu, koja je nova, nekorištena i u originalnom pakovanju.
- (2) Prodavac je dužan da isporuči Robu, koja zadovoljava sve tražene uslove u pogledu tehničke specifikacije i kvaliteta.
- (3) Isporuka Robe podrazumijeva dopremanje, instaliranje i puštanje u rad u mjestu isporuke.
- (4) Prodavac se obavezuje da prilikom isporuke Robe Kupcu preda originalnu dokumentaciju sa tehničkim karakteristikama Robe, te korisničku dokumentaciju neophodnu za instaliranje, korištenje i održavanje Robe.

Član 7.

(1) Prilikom isporuke Robe, uobičajeni pregled i kontrolu isporučene Robe (kvalitet i kvantitet) kao i dokumentacije predate uz robu, izvršiće predstavnik/ci Kupca.

(2) Ukoliko se konstatuje da isporučena roba odgovara zahtjevima navedenim u Tenderskoj dokumentaciji (LOT 4 - Programski paket za obrazovanje: I. Softver za simulaciju saobraćajnih nezgoda sa sljedećim karakteristikama i mogućnostima (Simulacija sudara sa vozilima; Simulacija sudara sa motociklima; Simulacija sudara sa biciklima; Simulacija udara pješaka; Simulacija sudara sa kamionima i dr. teretnim vozilima; Mogućnost simuliranja, sudara, saobraćajnih nezgoda, padova i drugih nesreća; Prilagođavanje vozila, mogućnost izbora vozila iz kataloga vozila (modifikacija, dodavanje dijelova i sl.); Jednostavno stvaranje virtuelnog okruženja; Unos ključnih tačaka događaja u virtuelno okruženje; integrisan Google Earth sa nadmorskom visinom terena, pronalazak lokacije i regije koja se želi uvesti u virtuelno okruženje; Prilagođavanje i izgradnja virtuelnog okruženja prema potrebi; Animacija staza; Unošenje podataka o brzini i udaljenosti vozila uz pomoć pametnog zaslona i praćenje kretanja vozila; Podešavanje položaja sunca i sunčeve svjetlosti, kao i drugih osvjetljenja i svjetlosnih utjecaja; Mogućnost prikaza u 3D i 360 stepeni virtualnom prostoru; Kreiranje animacije u 4K UHD animacije; Simuliranje kretanja vozila i sudara vozila; Kreiranje i postavka terena (mreža terena, u virtualnom okruženju); Unošenje podataka sa mjernih stanica; Prikaz fotografija iz zraka; Izrada složenih saobraćajnica; Ortografski prikaz). II. Softver za putokaznu saobraćajnu signalizaciju sljedećim karakteristikama i mogućnostima (Softverski alat izrađen na CAD platform; Integrirani parametri važećih BAS standarda iz oblasti projektovanja putokazne signalizacije - saobraćajne signalizacije za vođenje saobraćaja; Mogućnost ažuriranja postojećih integriranih parametara putokazne signalizacije - saobraćajne signalizacije za vođenje saobraćaja; Mogućnost izrade detaljnih nacrtu putokazne signalizacije - saobraćajne signalizacije za vođenje saobraćaja u skladu sa važećim BAS standardima uključujući standardizirano pismo (latinica i cirilica) i standardizirane simbole; Mogućnost izbora opcija izrade detaljnih nacrtu putokazne signalizacije - saobraćajne signalizacije za vođenje saobraćaja za različite kategorije cesta i različite dimenzije saobraćajnih znakova, veličine slovnih oznaka i veličine simbola). III. Programski paket – katalog equivalent energy speed sa sljedećim karakteristikama i mogućnostima (Katalog podataka o rezultatima crash-testova (sudarnih testova) različitih kategorija vozila, vrsta sudara, karakteristika sudara i posljedica sudara; Baza podataka sa karakteristikama vozila koja su učestvovala u sudarnim testovima; Baza podataka o vrsti sudara; Baza podataka o rezultatima sudarnih testova sa prikazom izgubljenih brzina u sudaru; Baza fotografiskih zapisa sa posljedicama oštećenja vozila u sudarnim testovima). IV. Softver za projektovanje i katastar cesta sa sljedećim karakteristikama i mogućnostima (Softverski alat izrađen na CAD platform; Opcije sa integriranim parametrima važećih standarda iz oblasti projektovanja elemenata horizontalne i vertikalne saobraćajne signalizacije i saobraćajne opreme ceste; Opcije sa integriranim parametrima važećih standarda iz oblasti vođenja evidencije o cestama i cestovnoj infrastrukturi; Mogućnost projektovanja i inoviranja elemenata horizontalne i vertikalne saobraćajne signalizacije i saobraćajne opreme ceste u CAD okruženju u kombinaciji sa snimljenim video podacima na terenu; Baza podataka i katastar o parametrima ceste; Mogućnost integracije GPS video tehnologije sa CAD okruženjem; Mogućnost obrade GPS video podataka o parametrima ceste u CAD okruženju; Mogućnost georeferenciranja GPS video podataka o parametrima ceste; Mogućnost povezivanja video podataka o parametrima ceste sa terena sa projektnim rješenjima u CAD okruženju sa mogućošću ažuriranja i dodatnog projektovanja; Mogućnost eksportovanja u XML format; Mogućnost fleksibilnosti za pregled i analizu podataka unutar Google Earth aplikacije i Google Maps ili sličnim), i Ponudi Prodavca, sačinjava se „Zapisnik o kvantitativnom i kvalitativnom prijemu robe“, koji obostrano potpisuju predstavnici Prodavca i Kupca.

(3) Ukoliko predstavnik/ci Kupca, prilikom isporuke Robe konstatuje/u da isporučena Roba ne odgovara zahtjevima iz Tenderske dokumentacije (tražene tehničke karakteristike i kvantitet) i Ponudi Prodavca ili ustanovi/e bilo kakav nedostatak na isporučenoj Robi (neispravna, oštećena roba i sl.), odbit će prijem takve Robe, o tome sačinjavaju zapisnik o reklamaciji i dostavljaju ga Prodavcu, najkasnije u roku od 3 (tri) kalendarska dana od dana isporuke, a Prodavac se obavezuje da Kupcu o svom trošku isporuči drugu robu istih ili boljih

karakteristika bez nedostatka ili da utvrđene nedostatke u kvalitetu i/ili kvantitetu otkloni najkasnije u roku od 3 (tri) kalendarska dana od dana prijema zapisnika o reklamaciji.

(4) Ukoliko Prodavac u ostavljenom roku ne isporuči drugu robu bez nedostataka, odnosno ne otkloni nedostatke, Kupac ima pravo da raskine ovaj Ugovor i zahtijeva naknadu štete o čemu pismeno obavještava Prodavca.

Član 8.

Ako se nakon primopredaje Robe pokaže neki nedostatak na Robi koji se nije mogao otkriti uobičajenim pregledom, Kupac je dužan da o tom nedostatku pisanim putem obavijesti Prodavca, odmah, odnosno u roku od 24 (dvadesetčetiri) sata od dana otkrivanja nedostatka.

VII. UGOVORNA KAZNA

Član 9.

(1) Ukoliko Prodavac svojom krivicom ne isporuči/instalira Robu u roku utvrđenom u člana 5. ovog Ugovora, a ne radi se o višoj sili, Prodavac se obavezuje da Kupcu plati ugovornu kaznu u visini od 0,2 % od ukupne ugovorene cijene Robe, za svaki dan kašnjenja, a najviše 5 % (petposto) od ukupne ugovorene cijene Robe.

(2) Prodavac je dužan platiti ugovornu kaznu u roku od 7 (sedam) dana od dana prijema zahtjeva od strane Kupca.

(3) Prodavac neće platiti ugovornu kaznu ako dokaže da nije kriv za kašnjenje u isporuci/instalaciji Robe.

Prodavac će platiti samo dio ugovorne kazne koji je srazmjeran njegovoj krivici, ako dokaže da je samo djelimično kriv za kašnjenje.

(4) Kupac neće moći naplatiti ugovornu kaznu ukoliko je do kašnjenja došlo usljed više sile.

(5) Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

(6) Ukoliko je zbog kašnjenja Prodavca u isporuci robe Kupac pretrpio štetu koja je veća od iznosa ugovorne kazne, Kupac može, umjesto ugovorne kazne od Prodavca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

(7) Ugovorna kazna iz stava 1. ovog člana počinje da se računa od prvog narednog dana od dana isteka ugovorenog roka i računa se do dana ispunjenja ugovorene obaveze, a najduže do dana u kome vrijednost obračunate ugovorne kazne dostigne 5 % (petposto) od ukupne ugovorene cijene robe u KM bez PDV-a.

(8) Pravo Kupca na naplatu ugovorne kazne ne utiče na pravo Kupca da zahtijeva naknadu štete.

VIII. OBAVEZE KUPCA

Član 10.

(1) Kupac se obavezuje da:

-prodavcu odredi termin za isporuku/instalaciju Robe;

-izvrši pregled i preuzimanje isporučene Robe, bez nedostataka (predstavnik/ci Kupca);

-da plati fakturu za isporučenu Robu, koja je u skladu sa zahtjevom Kupca, na način i rokovima utvrđenim ovim Ugovorom;

-Ugovorni organ se obavezuje ponuđačima dostaviti ovjerenu kopiju potvrde o oslobađanju od uvozne carine i PDV-a pri uvozu robe i za oslobađanje od plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekta koji se finansira iz IPA II Fonda u skladu sa Okvirnim sporazumom („Službeni glasnik BiH“ – Međunarodni ugovori, broj 6/15)

IX. OBAVEZE I ODGOVORNOSTI PRODAVCA

Član 11.

Prodavac se obavezuje da:

- isporuči Robu na mjestu i u roku utvrđenom ovim Ugovorom, koja odgovara zahtjevima i kvalitetu utvrđenom Tenderskom dokumentacijom, u skladu sa Ponudom Prodavca;
- riješi eventualne reklamacije Kupca potpisane od strane ovlaštenog predstavnika Kupca;
- izvrši sve radnje neophodne da Roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar, instaliranje i puštanje u rad na adresi krajnjeg korisnika, provjera funkcionalnosti i kontrola svih funkcija i sve druge usluge u smislu pripreme Robe za prijem;
- kvalitetno i uredno izvrši ovaj Ugovor u skladu sa nalogima Kupca, važećim propisima; pravilima i standardima struke za ovu vrstu posla, štiti prava i interese Kupca, te ga obavještava o toku realizacije ovog Ugovora;
- snosi sve rizike do konačnog prijema Robe u mjestu isporuke;
- izvrši instalaciju, konfiguraciju, integraciju sa komponentama i postojećom infrastrukturom, testiranje i puštanje u rad, a sve prema zahtjevu Kupca, kako je navedeno u Tenderskoj dokumentaciji;
- ispostavi fakturu za isporučenu Robu.

Član 12.

Prodavac odgovara za kvalitet isporučene Robe, saglasno propisima i standardima koji regulišu predmetnu oblast i uslovima za njenu proizvodnju i promet.

X. GARANCIJA

Član 13.

- (1) Prodavac daje garanciju Kupcu da Roba odgovara u svemu tehničkim normativima i važećim propisima.
- (2) Prodavac garantuje funkcionisanje i tehničke karakteristike Robe i odgovoran je za sve eventualne nedostatke i defekte na isporučenoj Robi.
- (3) Garantni rok za isporučenu Robu traje minimalni vremenski period koji je zahtijevan od strane Kupca u Tenderskoj dokumentaciji iteče od dana isporuke Robe.

Član 14.

- (1) U garantnom roku Prodavac se obavezuje da odmah započne sa zamjenom ili popravkom i otklanjanjem kvarova i nedostataka na isporučenoj robi, i to na način i u rokovima utvrđenim u Tenderskoj dokumentaciji u Obrascu za cijenu ponude, koja čini sastavni dio ovog Ugovora.
- (2) Prodavac preuzima neispravnu i vraća popravljenu Robu u mjestu isporuke robe.

(3) Prodavac će u garantnom roku obezbijediti servisiranje, odnosno otklanjanje kvarova na Robi. Servis se realizuje kroz ovlaštene servise proizvođača.

(4) U garantnom roku zamjene, popravke, otklanjanje kvarova i nedostataka na isporučenoj Robi padaju na teret Prodavca.

(5) Ukoliko Prodavac ne bude u mogućnosti da započne otklanjanje kvarova i nedostataka u roku utvrđenom Tenderskom dokumentacijom, od dana prijema obavještenja od strane Kupca, Kupac ima pravo da sam otkloni nedostatke ili da ovaj posao povjeri trećem licu, o trošku Prodavca.

(6) Na popravljene i zamjenjene dijelove robe, garantni rok počinje teći od dana izvršene popravke ili zamjene.

(7) Garantni rok se produžava za period koliko je trajalo otklanjanje nedostataka ili kvarova Robe.

XI. VIŠA SILA

Član 15.

(1) Nastupanje više sile osloboda od odgovornosti Ugovorne strane za kašnjenje u izvršenju ugovorenih obaveza.

(2) O datumu nastupanja, trajanju i prestanku više sile, svaka Ugovorna strana je dužna da bez odlaganja, a najkasnije u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (pismeno, telefax i sl.)

(3) Kao slučajevi više sile smatraju se prirodne katastrofe, požar, poplava, eksplozija, transportne nesreće, odluke organa vlasti, štrajk i drugi slučajevi koji se u momentu zaključenja ovog Ugovora nisu mogli predvidjeti i nisu prouzrokovani činjenjem, odnosno nečinjenjem nijedne od Ugovornih strana.

XIII. ROK VAŽENJA UGOVORA

Član 17.

Ovaj Ugovor se zaključuje na određeno vrijeme i važi od dana potpisivanja do isteka garantnog roka od 24. mjeseca.

XIV. KONTAKT

Član 18.

Kupac i Prodavac su saglasni da će se sva korespodencija u vezi sa izvršenjem ovog Ugovora i praćenje izvršenja ovog Ugovora voditi putem ovlaštenih osoba za kontakt:

Ugovorna strana	Kontakt osoba	Kontakt telefon	Elektronska pošta
Kupac	Mirza Berković	033 565 202	mirza.berkovic@gmail.com
Prodavac	Aida Višća	062 583 863	aida@tel-net.ba

XV. RASKID UGOVORA

Član 19.

(1) Pravo na raskid ovog Ugovora zadržavaju obje Ugovorne strane.

(2) Ukoliko Prodavac ne izvrši ugovorene obaveza u roku i na način utvrđen Tenderskom dokumentacijom i ovim Ugovorom (napr. isporučena Roba ne odgovara zahtjevima iz

Tenderske dokumentacije u pogledu tehničkih karakteristika, kvaliteta i kvantiteta), Kupac će Prodavcu ostaviti naknadni primjereni rok za izvršenje obaveza, u kojem slučaju se Prodavac ne oslobađa obaveze plaćanja ugovorne kazne iz člana 9. ovog Ugovora.

(3) Ako Prodavac ne izvrši ugovorene obaveze na zadovoljavajući način ili ih ne izvrši ni u ostavljenom naknadnom primjerenom roku, Kupac će dostaviti pismenu obavijest Prodavcu o raskidu ugovora sa razlogom raskida ugovora i to 15 (petnaest) dana prije raskida.

(4) Ugovor se raskida, uz obavezu Prodavca da Kupcu nadoknadi štetu koju je pretrpio zbog neispunjenja ugovorenih obaveza.

XVI. POVJERLJIVE INFORMACIJE

Član 20.

Ugovorne strane su saglasne da sve informacije koje Prodavac sazna u vezi sa vršenjem obaveza utvrđenih ovim Ugovorom imaju status strogo povjerljivih poslovnih informacija i neće biti ni pod kojim uslovima saopštavane trećim licima, izuzev uz pisanu saglasnost Kupca.

XVII. ZAVRŠNE ODREDBE

Član 21.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 22.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 23.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 24.

(1) Ovaj Ugovor stupa na snagu kada ga potpišu i ovjere ovlaštene predstavnici Ugovornih strana.

(2) Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 25.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.


ZA KUPCA
Rektor


Prof. dr. Rifat Škrijelj

Broj: 0101-8285-1/19
Datum, 14.10.19



ZA PRODAVCA
Direktor


Aida Višća
d.o.o.
Sarajevo

Broj: _____
Datum, 18.10.2019.